



PROGRAMMA FVNEBRE

QVOD

IMMORTALI MEMORIAE
VIRI MAXIME REVERENDI
EXCELLENTISSIMI ATQVE AMPLISSIMI
D O M I N I

GOTTLOB FRIDERICI IENICHEN

S. S. THEOLOGIAE LICENTIATI MORALIVM ET
POLITICES PROFESSORIS PVBLICI ORDINARIJ ACADEMIAE DECEMVIRI
ACADEMICIS VILLIS PRAEFECTI COLLEGII MINORIS PRINCIPVM
SODALIS VIRI DE HIS MVNERIBVS INSIGNITER
PROMERITI

D. XIX. SEPTEMBR. A. CIO MDCXXXV. PLACIDA MORTE EXTINCTI

L. M. Q. DICAUIT

ACADEMIA LIPSIENSIS.



© Printed in Leipzig by the University and State Library of Saxony-Anhalt





S

4099
Nihil aliud fecisset Vir Maxime Reuerendus, Excellentissimus atque Amplissimus, Dominus GOTTLOB FRIDERICVS IENICHEN, S.S. Theol. Licentiatius, Moraliumque et Politices Professor Publicus, quam vt per decennium fere publicis Programmatis, nomine Academiae proponi solitis, rite concinnandis, operam suam Academiae addiderit: dignus omnino foret, vt EIVS memoria programme publico ab eadem conseruaretur, qui, inter alia, nomine illius, memoriam tot viro- rum, bene de se meritorem, suo stilo consignauit, atque ad posteritatem eius beneficio traduxit. De antiquis Philosophis relatum legimus, eos etiam in illis libellis, quos de contemnenda gloria scripserunt, nomen suum inscripsisse, in eo ipso, in quo praedicationem nobilitatemque despexerunt, praedicari de se ac nominari voluisse. *) Noster IENICHENIVS, quanquam his programmatis nomen suum haud inscripsit, nec, ex more recepto, inscribere potuit: Academia tamen, suum cuique tribuens, et decus, quod promeruit, rependens, huius laboris, pro se exantlati, grate recordatur, et cuius calamo, subinde in memoria suorum conseruanda vsa fuit, eius laudi memoriaeque perpetuae simili- scriptioe consultum cupit. Neque vero NOSTER hoc solo labore de Academia bene mereri studuit, sed quum vniuersam vitae suae rationem illi consecrauerit, eius emolumenta docendo, disputando, eius reditus ad- ministrando etc. annis fuerit: non vno nomine hac tabula, nostrae in EVM pietatis teste, memoriaeque NOSTRI IENICHENI conseruatrice, dignissimus nobis esse videtur. Valere enim apud nos clarorum hominum, et de Republica bene meritorem memoria, etiam mortuorum, debet.

Natus est Noster GOTTLOB FRIDERICVS; Euterizii, pago Senatorio prope Lipsiam d. xxvi. Martii A. MDCCCLXXX. Patre vsus est Viro admodum Reuerendo, Domino *M. Georgio Ienichen*, Ecclesiae Christi in dicto pago Pastore, qui, postquam quinquaginta et tres annos *Hobenbeidae* et *Euterizii* munere sacro perfunctus fuerat, septuaginta et sex annos, et quod excedit, natus d. xii. Febr. A. MDCCXVIII. vitam cum morte com- mutauit. **) Matrem habuit *Susannam Elisabetham*, ex celebri *Balduinorum* gente prognatam, *Friderici* quippe *Balduini*, Med. Doct. ac Practici Pimenfis, filiam, et *Friderici Balduini*, Theologi Vitembergensium eminentis, et post fata celeberrimi, neptem. Hi pii parentes No- strum IENICHENIVM sollicitate educarunt, doctrinae Christianae

prae-

*) CICERO in Orat. pro Archia c. XI.

**) vide eius vitam in *Siculi* Appendice III. ad Annales Lipsienses 1719. p. 218.

praecepta, a tenera aetate EI instillarunt, et, ne quid in educando et for-
 mando illo omitterent, EI et fratri EIVS *Gottlob Augusto Ienichenio*, postea
 I. V. Doctore, et in Consistorio Lipsiensi caussarum patrono dexterrimo,
 praeceptores priuatos *Cellarium, Loescherum* et *Mayerum* praefecerunt,
 a quibus, praeter capita pietatis, fundamenta linguae Latinae et Graecae di-
 dicerunt. His feliciter iactis, NOSTER in Scholam Electoralem Porten-
 sem, praefcae disciplinae sedem, ablegatus est, et, postquam per aliquod tem-
 pus ibi commoratus fuerat, inde in Gymnasium Altenburgense se contu-
 lit, vberiores in litterarum studiis profectus ibidem facturus. Neque spe
 sua excidit NOSTER. Vfus hic est conuictu et contubernio *Friderick
 Frijii*, tunc Gymnasii illius Con-Rectoris, postea Professoris bene me-
 riti, ex cuius institutione et familiaribus sermonibus, in primis autem ex
Samuelis Grosseri, Rectoris tunc Altenburgensis, nunc Görlicensis clarissi-
 mi, acroasibus, intra triennium ita profecit, vt, annos duodeuiginti natus A.
 MDCCXCVI. ciuibus Academiae nostrae adscribi potuerit. Factum illud
 est a Viro Consultissimo atque Excellentissimo, Domino *Andrea Mylio*,
 Institut. Prof. Publ. Ordinis Iureconsultorum Adfessore, Academiae Syndi-
 co, tunc autem Rectore, et ab eo tempore NOSTER Academicis studiis to-
 tum se tradidit, atque in primis Philosophiae operam omnem impendit. Fre-
 quentauit autem praecipue scholas priuatas *Iobannis Gottlieb Hardtii*,
 Philosophi tunc celebris, vltra biennium, neque vero publicas *Valentini
 Alberti, Ioannis Schmidii, Adami Rechenbergii, Ottonis Menckenii, Iob-
 annis Cypriani*, virorum bene de studiosa iuuentute promeritorum, ne-
 glexit. Fecit sub tantorum virorum auspiciis haud poenitendos NO-
 STER in Philosophiae studio progressus, et vt eorum specimen publicum
 ederet, A. MDCCXCVII. d. xx. Nou. praefide *Iobanne Burchardo Mencke-
 nio* nostro, quem nominasse, est laudasse, ex cathedra Philosophica *περὶ
 τῆ ἀπέροντος*, siue de eo quod placet, disputauit, eodem anno Philosophiae
 et liberalium artium Baccalaureus, et, post duorum annorum decursum, Phi-
 losophiae Magister A. MDCCXCIX. d. xxvi. Ianuar. ab amplissimo Philoso-
 phorum ordine renunciatus. Antequam vero ad hos honores adspiraret,
 cum Philosophiae studio sanctioris disciplinae ambitum coniunxerat, et in
*Güntherorum, Schmidiorum, Carpzouiorum, Seligmannorum, Ittigio-
 rum, Rechenbergiorum, Pippingiorum, Oleariorum* scholis diligens aud-
 itor adfederat, et adfedit deinde, philosophiae Magistri dignitate ornatus
 non minus frequenter, quam nihil in vniuersa Theologia occurrit, quod
 ab his viris, et quidem solide, addisci haud potuerit. Eodem anno nona-
 gesimo nono, quo Magister creatus fuerat, iura et priuilegia Magistri no-
 stri disputatione publica de *Genesimantia* d. xxxi. Maii sibi vindicauit.
 Occasionem huic argumento pertractando EI dederant fata pueri cuius-
 dam, Amstelodami eo tempore visi, cuius quippe circa pupillam alteram
 Hebraea vox *יהוה*, circa alteram vero Latina verba: *DEVS MEVS* distincte
 conspecta fuisse dicebantur. Explorauit NOSTER huius rei veritatem
 ab Amstelodamensibus eruditis, et scripturam istarum litterarum ex ima-
 ginatiua matris, vt Medici loqui solent, columnae, imaginis aut libri cuius-
 dam, cui voces istae insculptae aut insertae fuerant, contemplatione, pue-
 ro, in vtero adhuc existenti, impressam fuisse, cum amicis Amstelodamen-
 sibus sensit, ipsa Genesimantia per actum, quo *ex naeuis infantum ex-
 traordinariis partibusque monstris, vel a Deo, vel nonnunquam a Dia-
 bolo, plerumque tamen ab ipsa natura productis futurarum quarundam*

rerum praedictiones coniecturaliter eruuntur, definita et explicata. Anno sequenti MDCIICC in cathedram Philosophicam denuo ascendit, et Respondente *Valentino Godofredo Hercklizio*, postea Haynensium Diacono, disputationem de *cultu Heroinarum sago vel toga illustrium* defendit, illustri et generosissimae Heroinae, *Christinae Reginae Laurentiae ab Adlershelm*, a Respondente inscriptam. Est haec *Christina Regina Laurentia* inter eruditas Lipsienses referenda, vna cum *Iohanna, Christiani Laurentii ab Adlershelm*, Consulis quondam Lipsiensis, filia, et *Wenceslai Weichardi*, Comitis ab Oppersdorff vxore, Erfurti A. MDCIICLXXX. denata *), e quibus Laurentiis vnam CAROLVS PATINVS in Epistola, A. MDCIICLXXXIII. perscripta insigniter dilaudauit. **) Sed redeundum est ad NOSTRVM IENICHENIVM. Vidimus EVM haecenus bis ex cathedra Philosophica disputantem, sed quum IS cognitionem rerum diuinarum et humanarum indissolubili nexu coniunxisset: non intermisit huius sanctioris scientiae nonnulla etiam specimina ex cathedra Theologorum edere. Qui enim quatuor disputationes ex *Iohannis Olearii* Synopsi errorum Fanaticorum, tunc primum publicata, sub eius praesidio ex cathedra Theologica A. MDCXCIX. et MDCCC. respondendo tuitus fuerat: is A. MDCCII. duas disputationes *Collegii Anti-Caluiniani*, a *Iob. Adamo Scherzero* quondam adornati, et sub moderamine *Ioannis Schmidii, r̄s μαναγίης*, per modum disputationum, publicati, ex eadem cathedra masculice propugnauit. Quemadmodum vero in omnibus fere Rebus publicis sapienter constitutum est, vt honores non per saltum, sed ordinatim et gradatim petantur et conferantur: ita quoque in nostra ciuitate literaria obseruatur, vt honores et dignitates Academicae non nisi per gradus et peti et obtineri queant. Est inter illos titulus *Assessoris ordinis Philosophorum*. Hunc vt consequeretur beate defunctus, A. MDCCIII. d. XXVII. Ianuar. priorem, et anno eodem d. v. Sept. posteriorem pro *Loco*, in Senatu Philosophico obtinendo publice defendit, et in vtraque *Deum in sensuum externorum oeconomis palpabilem*, methodo, ad Mathematicorum rationem proxime accedente, demonstrauit. Auide etiam sectatus est NOSTER alias illas proficiendi, profectusque suos explicandi vias, quae in nostra Academia patent, et nescimus fere, vtrum tot, tamque certae alibi inueniantur. Referimus huc Collegia illa amica, *Concionatoria, Philobiblicum, Anthologicum*. *Collegio Concionatorio maiori et antiquiori* nomen suum mense Februario A. MDCXCIX. dedit, et A. MDCCCXXIV. Senior eius honorarius Tabulam illam, qua, indulgentia Regia, celebrationem primi sui sacri saecularis indixit, adornauit, *) *Collegio* autem *Philobiblico* a die XXI. Iunii anni MDCCXCIX. vsque ad XXV. Ianuar. MDCCCXI. interfuit, et in vtroque multa specimina eloquentiae et Hermeneutices sacrae exhibuit, et, ne qua in amoeniori litteratura proficiendi occasio ei deesset, A. MDCCXCI. mense Martio *Anthologus* factus, flores ex omni eruditione collegit, et cum collegis suis amice communicauit, qui non minorem voluptatem ex IENICHENII manipulis perceperunt, quam IENICHENIVS ex aliorum floribus, et eorum sparsione hauit. Atque huius doctrinae, a tam excellentibus praeceptoribus

*) Vid. Tom. II. Diarii Biographici, ab *Henningio Wirtte* A. 1691. 4. Rigae publicatum p. 124.

**) In Libro Gallico, qui inscribitur: *Relations historiques et curieuses de voyages*, par Charles Patin p. 200. edit. Amstelodamensis Anno 1695. 12. publicatae. *J'y vis (à Leipzig) le Cabinet du Bourg-Maistre Laurent, rempli de toute sorte de curiositez: Sa maison est un palais, qui vaut mieux, que son Cabinet. On estime Mademoiselle sa fille, comme une vertueuse par excellence, qui sçait une infinité de choses, et qui les peut dire en beaucoup de langues.*

*) Vid. eam in *Siculi Annalibus* Lipsiensibus Sect. XXII. ad annum 1724. p. 737.

bus, a tam doctis sodalibus collectae, et propria industria paratae, studio-
 sam etiam iuuentutem participem fecit, eamque, modo vniuersam Philoso-
 phiam, modo singularem eius partem, edocuit. Quo autem de eadem ad-
 huc praeclarus mereri, et domi acquisita eruditionis praefidia apud externos
 locupletare posset: de itinere litterario sollicitus, occasionem peregrinan-
 di non minus studiose quaesivit, quam felicissime inuenit. Inuenit autem
 hanc peregrinandi occasionem in domo patroni sui, *Ioannis Bobnii*, Ordinis
 Medicorum Decani, viri praeclare memoriae. Hic NOSTRVM IENI-
 CHENIVM fere sub initium studiorum academicorum in domum suam
 receperat, EIVSQVE fidei et curae tres liberos instituendos tradide-
 rat, quos etiam NOSTER ea fide, ea dexteritate, in studiis pariter ac mor-
 ribus informauerat, vt, postquam Magnificus *Bobnius A. 1610ccv.* filium
 suum natu maiorem, *Christianum Michaelem Bobnium*, Iuris Vtriusque
 Doctorem, et postea ciuitatis huius Senatorem, sed praematura morte de-
 functum, ad externos ablegare constituerat: NOSTRVM IENICHE-
 NIVM itineris comitem ei adiunxerit. Suscepit hoc iter cum Bohnio suo,
 per magnam Germaniae partem, in Belgium, et inde in Angliam concessit.
 Perlustrauit vrbes celebratissimas, Traiectum ad Rhenum, Lugdunum Bata-
 uorum, Amstelodamum, Londinum, Oxoniam, Cantabrigiam, Middelbur-
 gum, Antuerpiam, Bruxellas, ad quas castra quaedam Foederatorum tunc
 erant posita, Louanium, aliasque complures, et in iis in notitiam virorum,
 eruditionis laude florentissimorum peruenit. Conuenit ex Germanis *Fa-
 bricium, Schmidium, Molanum, Hermannum con der Hardt*, Abbates om-
 nes, purioribus sacris addictos, illustrem *Leibnitium*, Hannouerae tunc
 commorantem, *Polycarpum Leyserum, Iohannem Albertum Fabricium,*
Spelingium et Eggelingium, Iagenbolzium, Tollium aliosque permultos.
 Vidit in Belgio *Braunium, Vitringam, Rbenferdium, Lemoynium, Cleri-
 cum, Limborgium, Surenbusium, Vossium, Honertum, Witsum, Mar-
 ckium, Salomonem van Till, Vitriarium, Perizonium, Poiratum, Leyde-
 ckerum, Roellium, Mastrichtium, Bodanum, Relandum, Basnagium de
 Beauval, Baylium, Iuriaeum, Bernardum, Gecomam, Papebrochium,*
Ianningium aliosque. Vidit in Anglia *Tennisonium*, Cantaburiensem Ar-
 chiepiscopum et Angliae Primatem, *Burnetum*, Episcopum Sarisburiens-
 sem, *Iohannem Morum*, Episcopum Noruicensem, *Floydios, Bentleium,*
Caeum, Allixium, Fleetwoodum, Sberlokium, Neutonum, Clarkium,
Woodwardum, Whistonum, Hudsonum, Dodwellum, Pagetum, et qui tum
 legati Regis Borussiae penes ANNAM, Magnae Britanniae Reginam, mu-
 nus obibat, illustrem *Spanhemium, Ioannem Ernestum Grabium* aliosque
 complures, quos inter nonnullos se cum Magnifico *Boernero*, Theologo
 apud nos Primario, tum inter Anglos itidem commorante, conuenisse, et
 colloquio suauissimo ab iis cum *Boernero* exceptum fuisse, non sine volu-
 ptate, teste vita manu sua conscripta, Beatus NOSTER IENICHENIVS
 recordatus fuit. Praeterea nec eam itineris sui siue iucunditatem siue utili-
 tatem in vltimo loco posuit, quod a *Papebrochio* et *Ianningio*, celebribus
 illis Actorum Sanctorum post *Bollandum* auctoribus, in Bibliothecam Iesui-
 tarum arcanam, quae Antuerpiae asseruatur, aliquoties admiffus, et cum va-
 riarum in religione sectarum, vt Mennonitarum, Quackerorum, Beckeria-
 norum primoribus, in hoc itinere litterario multum conuersatus, doctrinam
 et cultum eorum interius pernoscere potuerit, quodque cum Londini, tum
 Hagae Comitum sermones quosdam sacros ad populum in Ecclesiis Euan-

gelicis habendi facultas non tam data quam imposita SIBI fuerit. A. c. 1000 sub finem fere anni ex itinere hoc redux factus ab ordine Philosophorum numero Adfessorum suorum adscriptus fuit. Vt vero aliquis in Rempublicam litterariam ex hoc itinere fructus redundaret, argumentum aliquod circumspexit, in quo elaborando praefidiis illis, apud externos diligenter conquisitis, uti posset. Innotuerat EI in Belgio *Frederici van Leenbof*, Ministri Ecclesiae Reformati Zwollensis, liber, *den Himmel op Aarden*, h. e. Coelum in terra inscriptus, in quo *Benedicti de Spinoza* nefandos errores nouo labore recoquere elaborauerat. Hic liber pomum fere Eridos in Belgio ab anno huius saeculi III. erat, contra hunc complura scripta prodierunt, contra hunc variae Synodi congregatae fuerant, quarum Acta vna cum scriptis amoebaeis quum NOSTRO ad manus peruenissent: *Historiam Spinozismi Leenbofiani, publica in Belgio auctoritate damnata ex authenticis documentis* collegit, et Lipsiae A. c. 1000 VII. 8. publicauit, ab erudito orbe, magno applausu, iure quodam, exceptam. Aperuit NOSTER ab eo tempore Collegia, modo in vniuersam Philosophiam, modo in vnam alteramque eius partem, quas, priuata et priuatissima opera, verae sapientiae et bonae mentis cultoribus propinavit, opera SVA Actis nostris Eruditorum Latinis haud detracta. A. c. 1000 VIII. Propylaeum sapientis et felicitis Principis Serenissimo tunc Principi heredi Saxoniae, nunc Poloniarum Regi potentissimo, patriae Patri indulgentissimo, dedicauit, et A. c. 1000 X. editionem Lipsiensem Operum Philosophicorum Viri clarissimi, *Ioannis Clerici*, praefatione noua instruxit, in qua nonnulla de vita et scriptis eius disseruit, a Clerico deinde ipso luculentius enarrata. Eodem anno post *D. Godofredi Nicolai Ittigii*, Prof. Publ. obitum Collega in Collegio minorum Principum sorte electus, totum se Academiae mancipauit, ambiguus antea, Ecclesiae an Academiae opera EIVS a Deo destinata esset. Haec dignitas calcar addidit NOSTRO, ut in hoc stadio strenue decurreret, nihilque eorum intermitteret, quibus studiosorum commoda amplificantur. Edidit etiam per complures annos varia cum sacrae, tum profanae eloquentiae specimina, sed illud non plane praetereundum est, quod A. c. 1000 XII. ipso Paschatos festo primam positionem vespertinam in Templo Academico habuerit. Eodem anno post immaturam mortem *Ioannis Christiani Schellii*, Professoris Moralium et Politices Publici Ordinarii, et Ordinis Philosophorum eo tempore Decani, haec professio NOSTRO IENICHENIO a Facultate Philosophica, uti aliquoties antea, ita nunc legitime denominato, a Serenissimo Principe ac Domino, Domino CHRISTIANO, Duce Saxoniae Weissenfelsensi, clementissime collata fuit, quam electionem vna cum reliquis Serenissimis Academiae Nutriciis etiam ratam habuit FRIDERICVS AVGVSTVS, sempiternae memoriae Princeps. Auspicatus est hanc spartam oratione publica d. xx. Iulii A. c. 1000 XII. *de honestatis, iustitiae et utilitatis foedere arctissimo, velut genuino verae et unicae virtutis indicio*, et eidem praemisit programma *de veterum Philosophorum placito decantatissimo: Virtutem quoad essentiam et in se spectatam non nisi esse vnam*. Anno sequenti c. 1000 XIII. d. xxviii. Ianuar. sub EIVS praefidio dissertationem moralem *de fundamentis officiorum erga patriam*, IO. GOTTLIEB BOHN auctor et Respondens defendit, ipse vero d. xxx. Maii, die Schellii emortuali, memoriam Antecessoris SVI, in ipso Decanatu defun-

defuncti, oratione publica solemniter celebravit, Artem etiam Criticam *Ioannis Clerici*, eodem tempore Lipsiensibus typis repetitam, noua praefatione ornauit, in qua de fatiis artis criticae quaedam delibauit, et in primis obseruationes Cl. *Heumanni* contra hunc Clerici librum recensuit. A. 1700. d. v. Iulii venerandus Theologorum Ordo Licentiarum Theologiae ipsum vna cum sex aliis Candidatis renunciauit, postquam dissertationem inauguralem, qua *Historiam et Examen Bullae Anti-Quenellianae* d. viii. Sept. A. 1700. a CLEMENTE XI. promulgatae, exhibuit, viriliter defenderat. Fuit beatus IENICHENIVS tertius nostrae religioni additis Theologis Bullae huius Pontificiae censor, post *Io. Guilielm. Jaegerum* scilicet, Theologum Tubingensem et *Ioannem Frickium*, Theologum Ulmensem celeberrimum, et contra hos triumuiros in primis *P. Bernardus Desirant*, Ordin. Eremitarum S. Augustini etc. *S. Augustinum vindicatum* septem Tomis 1721-1723. 4. Romae euulgauit, sed irrito conatu; ne quid dicamus de *Christophori Leopoldi*, Iesuitae Augustani, Dissertationibus historico-Polemicis VIII. in quibus etiam **NOSTRVM IENICHENIVM** aliquando laceffuit, a Venerando Frickio in Zofimo, in Clemente XI. rediuuio, confutatis. Docuit ab eo tempore, praeter Philosophiam, sanctiorem etiam disciplinam eos, qui opera illius vti cupiebant, produxit quoque varios iuuenes in cathedram, qui sub EIVS moderamine ingenii sui vires periclitati sunt, et quidem d. xv. Febr. A. 1700. *Io. Mich. Teutscherus de statu subditorum naturali in reliquis suis spectato*, A. 1700. d. xxviii. Dec. *Adrianus Stegerus*, Senator nunc Lipsiensis, *de eo quod iustum ac decorum est circa iocos et facerias* et A. 1700. d. xix. Ian. *Ioannes Christianus Brostedt de lapide Iacobi vincto ad Genes. XXVIII, 18.* auctores et respondentes disputarunt. Munere Procancellarii et Decani ordinis sui aliquoties perfundus est, et hac data occasione varia Programmata, ex historia philosophica in primis petita conscripsit et publicauit, inter quae fere praecipua sunt *de Socrate et bono patrefamilias et officioso marito* A. 1700. *de futilitate commercii papyracei, Gallis actiones dicti, eiusdemque grauisimae, quae in rempublicam redundant incommotis* A. 1700. *de Zenone Cittieo* A. 1700. Praepositura magna pagorum veterum Academicorum bis A. 1700. Et A. 1700. Et demandata est, sed vltima vice vicariam Et operam in hoc munere administrando praestitit Cl. *Ortobius*, Collegii minoris Principum socius. A. 1700. Deputatus Academiae Comitibus Provincialibus Dresdae interfuit, Programmata publica ab anno 1700. quamdiu prospera valetudine utebatur, conscripsit, Magistratum Academicum bis gessit A. 1700. et A. 1700. Vltimis Academicis A. 1700. praefectus, Commissarius rei librariae, auctoritate Regia A. 1700. constitutus, et A. 1700. Academiae Decemuir electus fuit. Administrauit haec munera omni fide, studio, dexteritate, dignitate et grauitate, omniaque fecit, ne quid detrimenti res nostrae caperent. Fuit vir pius, iustus, sobrius, atque ea doctrinae et pietatis Evangelicae praeepta, quae in concionibus etiam sacris antemeridianis, e suggestu Academico, ordine ita ferente, per complures annos, solide et ornate proposuit, et firma fide tenuit, ipsaque vita sua exprimere studuit. Quod ad vitae domesticae rationem attinet, in matrimonium duxit d. xxx. April. A. 1700. virginem nobilissimam et omni-

omnibus, quae sexum suum decent ornamentis condecoratissimam, *Iobannam Margaretam*, e gente *Bublia*. Sufultit ex ea quatuor liberos, vnam filiam 1) *Iobannam Fridericam*, natam d. vii. Octob. A. c. 1700. c. c. xvi. 2) *Gottlob Fridericum*, natum d. viii. Octob. A. c. 1700. c. xviii. S. S. Theologiae studiosum. 3) *Iacobum Benedictum*, natum d. xxviii. Iun. A. c. 1700. c. xxi. et denatum d. xxx. Iun. A. c. 1700. c. xviii. 4) *Theodorum Godofredum*, natum d. xvi. Sept. A. c. 1700. c. xxiii. Neque vero secundum modo hoc connubium, sed etiam suauissimum et iucundissimum, nulla similitate, nulla discordia turbatum, sed sola suauissimae huius vxoris morte disruptum est, quae ex EIVS brachiis d. xxx. April. A. c. 1700. c. xxxi. erepta primum amantissimum maritum vehementer turbavit. Atque ab eo tempore vigor ille animi et corporis, quo NOSTER praeditus erat, fere aliqua ex parte deficere videbatur, certe anno sequenti A. c. 1700. c. xxxii. mense Iulio parva distorsione bulbi oculi versus canthum internum affectus fuit. Conquestus etiam est eodem tempore de infirmitate capitis, et de oculo ita laeso, quod omnia, quae videret, dupliciter cerneret. Quanquam vero ab experientissimo D. *Kächlero* huic spasmo tollendo idonea medicamina et adminicula chirurgica adhibebantur: nihilominus tamen is per aliquot hebdomadas duravit, antequam penitus cessaret. Defecit etiam animi et corporis vigor, tempore succedente, magis magisque, comitabantur hunc defectum, hoc et anno praeterito, permagni spasmi et contorsiones dextri brachii, a quibus nec ipsum caput immune fuit. Et quum per duo fere annos ob infirmitatem hanc corporis pedibus incedere raro valeret, sed maximam partem sellae insidere cogeretur: iam ab aliquo tempore tumor pedum oedematofus conspectus fuit, qui quidem primo nocturno tempore, dum in lecto cubabat, cessauit, sed postea constanter remansit, nec tantum crura sed etiam femora occupavit, donec ante duos fere menses verus hydrops abdominis vel ascites inde enascebatur. Succurrit quidem naturae, in quantum infirmitas corporis permisit, medicaminibus diureticis et laxantibus, artis salutaris consultus, et largum etiam serum ex dextro femore effluxit, sed aucta tamen in dies fere est vis morbi, reliquis viribus, infecuto horrore, cum ardore magno, paulatim ita debilitatis, vt tandem NOSTER malo succumbere, et animam suam exhalare coactus fuerit. Factum illud est d. xvii. Sept. post horam vespertinam septimam. Vixit NOSTER quinquaginta quinque annos, quinque menses, tres hebdomadas, vnumque diem, et vita longiore dignissimus fuit, quam etiam pristinus Me animi et corporis vi or fere polliceri nobis videbatur. Sed fuit cheu! fuit IENICHENIVS NOSTER. Exuviae corporis EIVS d. xix. Sept. in Templo Academico repositae fuerunt, anima immortalibus illis mentibus, quae in consortio DEI TRINIVNIVS ineffabili gaudio perfruuntur, statim associata. Neque tamen plane viuere desit, sed viuit NOSTER, et viuet in foetibus ingenii, aetatem laturis, in memoria nostra, in memoria gentis inclytae, cui diuinum solatium et fausta quaelibet apprecamur.

P. P. Lipsiae Domin. XVIII. post Trinitatis A. R. S.

cl. 1700. c. xxxv.

L I P S I A E

L I T E R I S I O. C H R I S T I A N I L A N G E N H E M I I

PROGRAMMA FVNEBRE

QVOD

IMMORTALI MEMORIAE
VIRI MAXIME REVERENDI
EXCELLENTISSIMI ATQVE AMPLISSIMI
D O M I N I

**LOB FRIDERICI
ENICHEN**

GIAE LICENTIATI MORALIVM ET
ORIS PVBLICI ORDINARIJ ACADEMIAE DECEMVIRI
LIS PRAEFECTI COLLEGII MINORIS PRINCIPVM
S VIRI DE HIS MVNERIBVS INSIGNITER
PROMERITI

BR. A. CIO 1300 XXXV. PLACIDA MORTE EXTINCTI
L. M. Q. DICAVIT
DEMIA LIPSIENSIS.

